



Clypevs Theologiæ Thomisticæ

Continens Tractatus de Beatitudine, de Actibus humanis, eorumque
Moralitate; de Virtutibus ac Donis, de Vitiis ac Peccatis, & de Legibus,
nec-non Dissertationem Theologicam de Probabilitate

Gonet, Jean-Baptiste

Parisiis, 1669

Art. III. An bruta operentur propter finem, movendo se in illum?

[urn:nbn:de:hbz:466:1-77355](#)

Antecedens: absolutè & simpliciter, nego. Cùm A enim voluntas absolutè possit desistere ab illa intentione, manet etiam absolutè libera ad eligendum tale medium; ac proinde non mirum est ejus electio si propter finem.

ARTICVLVS III.

*An bruta operentur propter finem,
movendo se in illum?*

S. I.

Premittitur quod fere apud omnes est certum, & referuntur sententiae.

57.

SVPPONIMVS tanquam certum, bruta & omnia alia agentia naturalia aliquò modò agere propter finem.

Hoc suppositio est contra aliquos antiquos Philosophos, qui dicebant creaturas rationis expertes non agere propter finem, sed casu & fortunā. Hos autem impugnat Aristoteles 2. phys. cap. 8. & 9. probans opus naturae esse opus intelligentiæ; & non solum intellectum, sed etiam naturam agere propter finem. Idem supponit D. Thomas hic art. 2. dicens quod omnia agentia necesse est agere propter finem: idque probat ex eo quod finis sit prima omnium causarum, à qua agens determinatur ad agendum hoc potius quam illud. Colligitur etiam ex Sap. 11. ubi dicitur: *Omnia in mensura, & numero, & pondere dispositi: nomine enim ponderis intelligitur inclinatio cuiuscumque rei in finem proprium, ut explicat Augustinus lib. 1. de Genesi ad litteram cap. 3. & 4. & D. Thomas 1. p. qu. 45. art. 7.* Denique regularis & uniformis naturalium actionum cursus & ordo, quo in certos terminos tendunt, eosque ut plurimum assequuntur per media apta & proportionata, quæ à natura instituta sunt, manifestè arguit eis inesse intrinsecam aliquam finis intentionem. Nam, ut egregiè argumentatur Cicero lib. 3. de natura Deorum, si characteres litterarum, temerè projecti, historias seu annales Ennij non perficiunt; neque aliquis tam demens est, ut credat librum eruditum compositum fuisse sine fine, & casu, ex fortuita litterarum coacervatione: quis crediderit mundum, adeò pulchrum & benè ordinatum, casu esse factum; aut operationes rerum naturalium, adeò propriae conservationi & pulchritudini universi convenientes, casu & non propter finem fieri?

58.

Hoc supposito, inquirimus an bruta operentur propter finem, movendo se in illum, vel solum ex motione & directione Authoris naturæ? vel, ut alij dicunt, an bruta non solum physicè, sed etiam moraliter in finem se moveant?

Partem affirmativam tenent quidam, existentes in brutis esse aliquem usum rationis, quamvis longè imbecilliorē cōqui in hominibus reperitur, & aliquam imperfectam libertatem indifferentem, per quam in eorum potestate est in unum aut alterum locum se movere, & ex pluribus mediis illis oblatis, unum acceptare, & alia respuerere. Ita sentire videntur Plutarchus in libro *quid animalia ratione utantur*: Porphyrius lib. 3. de sacrificiis, ubi assertit aliquos esse homines percipientes loquelam animalium: *Vallclus in sacra physica cap. 55.* Molina 1. p. qu.

A 14. art. 3. disp. 12. ubi libertatem quandam in bruta agnoscit: Salas hic disp. 4. scđt. 4. ubi fateatur bruta cognoscere proportionem mediorum cum fine, & inter se, & judicare unum melius alio; & Arriaga in tractatu de beatitudine scđt. 5. in fine, ubi ait se docuisse in physica, bruta cligere media propter finem; neque solum bonum delectabile, sed etiam utile attingere.

S. II.

Conclusio negativa statuitur.

DIc o breviter: Bruta non se movent & dirigunt in finem, operando gratiā finis, sed ad illum diriguntur & moventur ab Authore naturæ. Ita communiter docent Theologi cum D. Thoma hic art. 2. ubi sic habet: *Considerandum est quid aliquid sua actione vel motu tendit in finem duplicitate: uno modo, sicut seipsum ad finem movens, ut homo: alio modo, sicut ab alio motum ad finem; sicut sagitta tendit ad determinatum finem ex hoc quod movetur a sagittante, qui suam actionem dirigit in finem.* Illa ergo que ratione habent, seipso movent ad finem, quia habent dominium sūorum actuum per liberum arbitrium, quod est facultas voluntatis & rationis. Illa vero qua ratione carent, tendunt in finem propter naturalem inclinationem, quasi ab alio mota, non autem à seipso, cum non cognoscant rationem finis; & ideo nihil in finem ordinare possunt, sed solum in finem ab alio ordinantur. Nam tota irrationalis natura comparatur ad Deum, sicut instrumentum ad agens principale: & ideo proprium est natura irrationalis, ut tendat in finem, quasi se agens vel ducens ad finem, natura vero irrationalis, quasi ab alio acta vel ducta. Quibus verbis S. Doctor utramque partem nostræ conclusionis & docuit & probavit: primam quidem, cùm dixit, quod illa que ratione carent, cùm non cognoscant rationem finis, ideo nihil in finem ordinare possunt. Nam ut hic ait Cajetanus, *Cognoscere rationem finis, est cognoscere habitudinem finis ad id quod est ad finem: quia finis, in quantum finis, seu in ratione cause finalis ut sic, importat intrinsecè & necessarij habitudinem ad media, & ad actus qui sunt propter finem, tanquam ad proprium effectum: Sed bruta non cognoscunt habitudinem & proportionem finis cum mediis, aut mediorum cum fine; quia non habent cognitionem intellectus, sed sensus duntaxat, qui naturas rerum, & relationes ac comparationes earum non potest percipere; unde Augustinus lib. 83. questionum qu. 30. ait, quod scire quod quidquam referendum sit, non datum est rationis experibus.* Ergo bruta non cognoscunt finem formaliter, sed tantum materialiter, id est cognoscunt rem quæ est finis, non tamen rationem finis, subindeque non se movent in finem.

Dices, in brutis esse quemdam discursum imperfectum, longè quidem imbecilliorē cōqui qui est in homine, per quem tamen possint cognoscere proportionem finis cum mediis, & mediorum cum fine.

Verum hæc sententia falsa & temeraria est, parumque consentanea fidei: quia esse rationale, quocumque gradu vel perfectione rationalitatis, est differentia essentialis hominis; perfectior enim vel imperfectior rationis usus, non

59.

60.

mutat naturam essentialiter, sed solum acciden-
taliter: unde, ut infra dicemus, omnia mira
qua ab animalibus efficiuntur, non ex ratione
& indifference libertatis, sed ex instinctu, &
determinatione naturae procedunt. Accedit
quod in 1. cap. Genesis, aves & quadrupedia, eodem
modo facta narrantur, quod plantae, herbae,
&c. cum vero homo, in quo est discursus,
creandus fuit, speciali modo locutus est Deus,
ait enim: *Faciamus hominem ad imaginem &*
similitudinem nostram: & prestis piscibus maris,
& volatilibus ovi, & bestiis, universaque terra.
In qua diversitate innuitur cetera omnia esse
irrationalia, solum vero hominem rationalem
esse.

Addo quod, si animalia bruta aliquod modò
essent rationis capacia, eodem modo videtur
quod essent capacia cognitionis Dei, & salutis,
felicitatisque aliqualis: nam ratione pollerent,
utique & rationali appetitu, qui rationem se-
quitur, sicut sensitivus sensum: de qua re videatur
Montezino hic disp. 7. quaest. 5.

61. Secundò probatur eadem pars conclusionis.
Nullum agens potest se movere in finem, nisi
habeat dominium sui actus: nam movere se in
finem, idem est ac determinare se ad operan-
dum gratiæ finis: Atqui bruta non habent do-
minium suorum actuum: Ergo non se movent
in finem. Minor probatur: quia Scriptura Ec-
cles. 15. dicit singulariter & eximiè de solo ho-
mione inter creaturas visibilis, quod Deus eum
reliquit in manu consilij sui: At non esset pro-
prium & singulare homini, esse in manu sua ac
potestate, & de suis operationibus liberè dis-
ponere, si bruta quoque haberent aliquam li-
beram potestatem in utrumlibet, & de scipis,
seu operationibus suis disponerent: Ergo bruta
non habent dominium suorum actuum. Unde
eadem Scriptura quando vult significare, aliquid
sicer ab hominibus tam cupidè & ardenter, ac
si nullam haberent libertatem ad abstinentiam
ab hujusmodi actione, dicit illos operari ut bel-
litas. Petri 2. *Vetus irrationalia pecora na-*
turaliter feruntur: & similiter in Epistola Iude-
cis objicitur, quod que naturaliter tanquam mu-
ta animalia norunt, in illis corrumpuntur: op-
erari autem naturaliter, idem significat quod
operari non liberè; nam agere naturaliter, est
agere ex pondere & inclinatione naturæ, &
ab alijs deliberatione & electione, in unum de-
terminatè ferri.

62. Confirmatur ex D. Thoma qu. 24. de verit.
ate. 2. ubi sic discurrevit: *Totius libertatis radix*
est in ratione constituta: unde secundum quod
aliquid se habet ad rationem, sic se habet ad li-
berum arbitrium. Ratio autem plenè & perficte
inveniatur solum in homine; unde in eo solum li-
berum arbitrium plenariè reperitur. Bruta enim
habent quandam similitudinem rationis, in
quantum participant quandam prudentiam na-
turalem, secundum quod natura inferior attingit
aliqualiter ad id quod est nature superioris:
que quidem similitudo est secundum quod
baben judicium ordinatum de aliquibus: sed
hoc judicium est eis ex naturali estimatione,
non ex aliqua collatione, cum rationem sui judicij
ignorent: propriè hoc etiam hujusmodi judicium
non se extendit ad omnia, sicut judicium ratio-
nis, sed ad quedam determinata. Et similiter in
eis est quedam similitudo liberi arbitrij, inquan-
tum possunt agere vel non agere secundum suum
Tom. III.

A judicium unum & idem, ut sic sit in eis quasi
quædam conditionata libertas: possunt enim agere
si judicant esse agendum, vel non agere, si non
judicant. Sed quia judicium eorum est determina-
tum ad unum, per consequens & appetitus &
actio ad unum determinantur: unde secundum
Augustinum 11. super Genesim ad literam, mo-
ventur visus; & secundum Damascenum, agun-
tur passionibus: quia scilicet naturaliter de tali
visu & de tali passione sic judicant: unde ne-
cessé habent ab ipsa visione aliquis rei, vel à
passione insurgente, moveri ad fugiendum, vel
prosequendum: sicut ovis visu lupo necesse habet
timere; & canis insurgente passione ira, necesse
habet latrare, & persequi ad nocendum. Sed ho-
mo non necessario moveatur ab his, quæ sibi occur-
runt, vel à passionibus insurgentibus, quia potest
ea recipere vel refutare: & ideo homo est liberi
arbitrii, non autem bruta.

63. Ad eandem considerationem pertinet, quod
omnia animantia ejusdem generis, ab exordio
mundi usque ad hoc tempus, & in omni regio-
ne, posita in talibus circumstantiis, eodem
semper determinatò modò operantur: v. g.
omnes hirundines eodem modò vere nidificant:
omnes apes eodem modò mellificant; omnes
formicæ eodem modò æstate grana recondunt,
&c. Hoc enim evidens argumentum est, quod
liberam electionem non habent inter opposita:
nam illa electio indifferens induceret aliquam
varietatem in modo operandi: sicut homines,
quia electione agere possunt, politi in eodem
statu antecedenti, & in paribus circumstantiis,
diversimodè operantur, ut experientia constat.

64. Secunda pars conclusionis, qua assurda bruta
dirigi & moveri in finem ab Autore naturæ,
evidens est: nam ut discurrevit D. Thomas hic
art. 2. ad 3. *Manifestum est quod particulares*
causa moventur à causa universalis: sicut cum re-
ctor civitatis, qui intendit bonum commune, mo-
vet suò imperio omnia sua particulae officia ci-
vitatis: & ideo necesse est quod omnia que ca-
rent ratione, moveantur in fines particulares ab
aliqua voluntate rationali, que se extendit in
bonum universale, scilicet à voluntate divina.

Confirmatur: *Tota irrationalis natura com-*
paratur ad Deum, sicut instrumentum ad agens
principale, ut ait idem S. Doctor supra relatus:
Sed instrumentum non agit, nisi ut motum &
applicatum à principali agente: Ergo nec crea-
turæ irrationales se movent in suos fines, nisi
ex speciali motione & directione Authoris na-
ture.

65. Confirmatur amplius: sicut ex hoc quod sa-
gitta sepe attingit eundem scopum, colligitur
ejus motum procedere à ratione, non quæ sit
in ipsa sagitta, sed in sagittante: ita pariter,
cum videamus animalia, & alias creaturas ra-
tionis expertes, fere semper suos fines particu-
lares consequi, colligitur evidenter illarum
motus & operationes, à ratione, non quæ sit
in ipsis animalibus, & creaturis irrationalibus,
sed in eorum Autore, derivari.

§. 111.

Solvitur objectio in contrarium.

66. **O** BIICIES: In animalibus datur aliquis
rationis usus: Ergo illa possunt in finem
se movere & dirigere, nec indigent in eum di-
B ij

rigi & moveri ab Authore natura. Consequen-
tia patet: nam dirigere se in finem, est effectus
rationis & prudentiae. Antecedens vero suaderi
potest, ex variis operationibus animalium, quae
non videntur aliter posse fieri quam ratione &
& prudentia. Harum plura adducit exempla D.
Basilius homil. 7. 8. & 9. in Hexameron: nos ali-
qua breviter proponemus.

Primum sit in formicis: istae enim non solum
appetitu pastus ex fame excitato, feruntur in ci-
bū presentem, sed etiam provident de fu-
turo, hyenis necessitatibus, & alimenta undeque
conquisita congregant in horrea, sagaciterque
cuidant & distribuunt per totum annum; at-
que ut ne sub terra granum tritici nascatur,
roudunt partem illam unde nasci debet; quod si ex
magnitudine pluviae madefit, ne corrumpatur
extra hunc, ut sole & vento exsicetur: haec autem
omnia sine aliqui discutu fieri posse non vi-
denter. Porro quis non miretur eas sepulchra
sibi parare, & formicas mortuas extra domum
deportari ab aliis ad sepeliendum? Propter
qua, & alia admiranda prudentia in his ani-
malibus exempla, remittit Spiritus Sanctus fa-
tuum hominem ad prudentiam ex illis addi-
cendam, dum Proverb. 6. sic ait, *Vade ad for-
micam, o piger, & considera vias ejus. &
disc sapientiam: que cum non habeat ducem,
nec preceptorem, nec principem, parat in asta-
te cibum sibi, & congregat in messe quod comedat.*

Adjiciamus exemplum hirundinis, que mu-
tat terras & domicilia, pro temporum diver-
sitate, nidum conficit pullorum educationi
aptissimum, & ibi ova fovet: Quis ergo neget
eam cognoscere nidum ad taleni finem esse ne-
cessarium? in eaque re discurrere, & perfecte
propter finem operari.

Quædam etiam videre est animalia, que si
vulnera aliquo afficiantur, quandam inquirunt
herbam, que illis apta nata est remedio esse,
juxta illud Poëta:

*Non illa feris incognita capris
Gramina, cum tergo volucres habere sagitte.*

Denique mira legimus & experimur de apibus,
& de elephanticis, que longum esset re-
cenfere. Sufficiat audire Spiritum Sanctum
Prov. 30. ita afferentem: *Quatuor sunt minima
terre, & ipsa sunt sapientiora sapientibus. For-
mice populus infirmus, qui preparat in messe ci-
bū sibi. Lepusculus plebs invalida, qui collocat
in petra cubile suum. Regem locusta non habet,
& egreditur universa per turmas suas. Stellio mani-
bus nititur, & moratur in edibus regis.* Addamus etiam quod de aranea ait Guillelmus Parisiensis,
nempe *eam nasci cum lege, libro, & lu-
cerna: quia à natura inditam habet notitiam
omnium que libi agenda sunt.*

68. Confirmanatur: Animalia ex modo efformandi
varias voces se ipsa vel querunt, vel vocant, si-
va ad pastum, sive ad coitum; aliquandoque
sibi respondent, ut patet in avibus que vicissim
canunt: habent ergo sibi aliquid vel voce vel
cantu significare; & per consequens aliquem
imperfectum discursum, & cognitionem suf-
ficientem, per quam possunt in finem se di-
rigere.

69. In hujus rei majorem confirmationem adduci
potest id quod de Appollonio Tyaneo narrat
Philostratus lib. 4. cap. 1. *Cum aliquando (in-
quit) de communī concordia disputaret, doceret
que oporere Ephesios sese mutuo nutrire; pas-
ses*

A res forte in arbore quadam taciti considerabant:
unus autem ex ipsis tanquam alicuius rei nun-
tius vocem emisit, quæ visus est aliquid ceteris
predicere: eō auditō ceteri clamorem tollentes
post ipsum volarunt. Tunc aliquandiu tacens
Apollonius, sciens quidem quam ob causam pa-
sseres voluntatis, nondum tamen auditoribus id
narrabat. Vbi vero omnes in se conversos, & qua-
si portentum aliquod admirantes aspexit, tunc
rupto silentio sic est locutus. Puer quidam lapsus
effusum frumentum in aream demisit: cū ne-
gligenter illud collegisset, abiit multa grana pa-
ssim in angporto sparsa relinquentes quæ cū passer
B ille invenisset, ceteris (ut vidistis) nuncians,
inventum cibum communicavit. His verbis per-
multi commoti, ad hoc visendum concurrere: ipse
vero iis qui manserunt captum sermonem de com-
muni societate servanda prosecutus est. Post-
quam vero qui visum erant, cū clamore atque
admirazione summa reversi sunt: videris, inquit,
Apollonius, quo pacto passeres mutuam de se cu-
ram habent.

70. Huic objectioni respondet, ex variis illis
operationibus animalium, que sine ratione non vi-
denter posse fieri, colligi evidenter illas pro-
cedere à ratione & sapientia, non quæ sit in ipsis
animalibus, sed in eorum Authore Deo, qui ea
mover & dirigit in suis fines: sicut ex hoc quod
sagitta saepe tendit in eundem scopum, collig-
itur ejus motum procedere à ratione, non quæ
sit in ipsa sagitta, sed in sagittante, ut supra
annotavimus. Unde in creaturis quæ nullum ha-
bent sensum videmus similia: vitis enim, &
quædam alia arbusta, eō quod per se erigi non
valent, quædam ligamenta producunt, quibus
ligata aliis, eriguntur; & similiter foliis vestita,
fructus defendunt ab inclemencia temporis.
Item Heliotropium assidue Solem intetur, se-
quiturque indefessè ejus cursum: & herba quæ
sensitive appellatur, ad levissimum hominis
tactum, statim marcescit, & folia complicat, ac
si esset mortua. Sicut ergo ad haec non est ne-
cessere discursum ponere, sed convenientissime
fieri dicuntur instinctu & determinatione natu-
rae: ita etiam ad illa mira quæ in arguento re-
centur, & alia similia, sufficiet sagacitas, &
naturalis instinctus, qui loco rationis & discurs-
us datus est animalibus.

71. Quid vero Spiritus Sanctus nos ad animalia
mittat, ut ex eis prudentiam discamus, non in-
nuit in illis esse prudentiam vel rationem, sed
solum in Deo eorum authore: & ideo aliquando
etiam nobis res omnino insensibiles, objicit,
de quibus utrum rationem participant, nullatenus
ambigi potest. Ut enim nimiam de neces-
sariis follicitudinem tolleret Christus, dixit
E Matth. 6. *De vestimento quid solliciti estis? con-
siderate lilia agri quomodo crescunt, non labo-
rant, neque nent. Et ut notitiam Dei perfaeat
insensatis Propheta, dicit Psalmus 18. Cœli enar-
rant gloriam Dei, & opera mannum ejus annun-
tiati firmamentum.*

Ad confirmationem dicendum, quod ad vo-
cem animalis consurgit sine aliquo discursu rationis
in animali repræsentatio vel pabuli, vel
delectationis, ad quæ naturali instinctu move-
tur. Quod vero aliquando aves vicissim canant,
hoc ex providentia Dei, ad majorem nostram
delectationem, & ad ipsarum levamen effectum
est: non ita quod se se intelligent, & sibi invi-
tem loquantur, sed ita ut se excitent. Unde

ad aliud quod narrat Philostratus de Apollonio A Tyaneo , respondeo quod Apollonius fuit magus insignis , Dæmonum societate utens , à quibus in pauperibus predictis existentibus , effusionem frumenti , & quæ passeres facerent addiscere potuit. Adde quod miranda illa quæ de Apollonio tradidit Philostratus , ab ipso confita esse creduntur , ut videri potest apud Baroniūm tom. I. anno Christi 68. num. 3r.

^{72.} Ad complementum hujus questionis , quæres in quo consistat naturalis instinctus animalium ?

Respondeo breviter , juxta probabiliorē sententiam , illum consistere in representatione quadam convenientis aut inconvenientis , factâ per species insensatas , residentes in estimativa bruti , & à sensatis speciebus eductas. Pro cuius intelligentia sciendum est , dari in brutis estimativam potentiam , quæ est sensus quidam internus , cuius hoc est munus proprium , ut ex speciebus sensibilibus elicit speciem insensatam : v.g. cùm ovis videt lupum venientem , ex specie sensibili lupi ejus estimativa elicit speciem inimicitia , quæ est insensibilis , & quæ insensata appellatur , quia à sensibus externis non percipitur. Hæc ergo estimativa bruti , ut instruta speciebus illis insensatis , quibus ratio convenientis & inconvenientis illi repræsentatur , naturalis ejus instinctus dicitur. Unde probabilitate caret illorum sententia , qui asserunt naturalem instinctum animalium consistere in speciebus infusis à Deo , corum que sunt illis convenientia aut nociva , repræsentativis : hic enim dicendi modus mures & formicas facit aequales Angelis , quibus ob naturæ perfectionem infunduntur à Deo species in primo instanti creationis , ut in tractatu de Angelis ostendit.

^{Diss. 4.}
^{art. 3.}

B per actionem formaliter transeuntem. Probatur breviter : quia , ut ostendimus in tractatu de Scientia Dei , potentia operativa in Deo non ^{Diss. 3.} distinguitur ab intellectu & voluntate illius : Sed ^{art. 4.} actio intellectus & voluntatis est formaliter immanens , cùm sit actio vitalis : Ergo omnis operatio Dei est formaliter immanens ; subindeque non formaliter , sed virtualiter tantum transiens. Unde sicut Angeli operantur ad extra per actum imperij , virtualiter solum transeuntem , ut docet S. Thomas opusc. II. art. 3. ubi ait quod *Angeli movent caelos , conceptione sui intellectus efficaci* : ita & à fortiori Deus , quippe qui est naturæ magis simplicis , & cuius intellectus practicus longè potentior est & efficacior intellectu Angelorum.

Addo quod , si executio activa , seu actus secundus omnipotentia divina , esset actio formaliter transiens ; & consequenter ab ipsa potentia realiter distincta , utpote in creatura producita existens ; potentia Dei executiva non esset infinita , quia scilicet non identificaret sibi ea omnia quæ pertinent ad propriam lineam ; non enim identificaret sibi actum secundum : sicut intellectus divinus non esset infinitus , si realiter distinguueretur ab intellectione. Non esset etiam actus purus , ed quod esset in potentia , etiam physica , ad proprium actum , à quo realiter distinguueretur.

C Dices : Quando Deus operatur simul cum causa secunda , putat cum igne , producendo cum illo calorem , calefactione est concursus simultaneus causæ primæ & secundæ : Sed calefactione est actio formaliter transiens : Ergo Deus operatur ad extra per actionem formaliter transeuntem.

E Respondeo calefactionem dici concursum Dei , quia mediante illâ productum ulteriorem effectum , scilicet calorem : quamvis comparata ad Deum , potius habeat rationem effectus , quam actionis ; quia procedit à Deo mediante alia actione distinctâ , & cum ipsa omnipotentia divina identificata , putat cum imperio efficacij divini intellectus practici , qui est potentia Dei ad extra operativa.

Suppono tertio , quod sicut in causa formaliter possumus separare rationem formalem à causalitate formalis ; immo de facto reperitur separata in Deo , respectu sui (dicimus enim immutabilitatem Dei esse rationem formalem æternitatis ipsius , non verò causam) & tunc ratio formalis idem est quod causa formalis , scilicet imperfectione : ita similiter possumus præscindere rationem finis à causalitate finis , & concepere quod aliqua actio sit propter finem duobus modis ; scilicet propter finem , tanquam propter veram causam finalem ; & propter finem , tanquam propter rationem solum finaliem , præscindendo ab imperfectionibus dependentiæ & distinctionis , quæ in omni vera & propria causalitate reperiuntur.

Quærimus ergo in hoc articulo , an Deus in suis actionibus transeuntibus & immanentibus agat propter finem , tanquam propter veram causam finalem , vel solum tanquam propter rationem finalem ? vel ut alij dicunt , an actiones divinæ , tam immanentæ , quam transeuntes , habeant causam finalem realiter , aut solum virtualiter influentem.

^{73.} Quibusdam premissis status difficultatis proponitur.

S. I.

Quibusdam premissis status difficultatis proponitur.

SUPPONO primò , Deum in ratione agentis considerari possè dupliciter : scilicet in ratione agentis ad intra , vel ad extra. In primo sensu consideramus actiones Dei pure immanentes , quārum alia dicuntur merè essentialia , illæ scilicet quæ sunt communes tribus Personis , ut Scientia , intellectio , & amor essentialis : alia verò vocantur notionales , quæ nimirum sunt propriæ alicuius Personæ , & non communes tribus , ut generatio Verbi , & producitur Spiritus Sancti. In secundo verò sensu consideramus actiones quibus Deus operatur ad extra : quæ adhuc dupliciter considerari possunt , vel quatenus se tenent ex parte Dei , vel prout se tenent ex parte termini & effectus producti ; & secundum hanc terminationem passivam non sunt aliud quam ipsum effectus ad extra producti , ut pendent ab actione Dei : sicut cum proportione denominatio visi in pariete , nihil est aliud , quam ipsomet paries , ut connotans actum visionis. Quod ut magis declaretur :

Suppono secundò contra Durandum , Suarez , & alios modernos , Deum non agere ad extra

^{74.} 76.